

## CONVENIO DE COLABORACIÓN ENTRE A AXENCIA TURISMO DE GALICIA E O REAL CLUBE NÁUTICO DE VIGO PARA A PROMOCIÓN DO SOUTH EUROPEAN CHAMPIONSHIP

O xerente de Turismo de Galicia

### DECLARA:

Que esta Axencia Turismo de Galicia formalizou co Real Clube Náutico de Vigo o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2021.

Que o instrumento convencional ten por obxecto o establecemento das condicións para a colaboración entre a Axencia Turismo de Galicia e o Real Clube Náutico de Vigo para a promoción da South European Championship que se desenvolverá entre o 6 e o 8 de agosto de 2021, incluído pola Secretaría da Comisión Nacional no programa oficial de actividades para a conmemoración do V Centenario da expedición da primeira volta ó mundo de Fernando de Magallanes e Juan Sebastián Elcano.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se **fundamenta** no seguinte:

**Primeiro.-** A Axencia Turismo de Galicia ten como obxectivo impulsar, coordinar e xestionar a política autonómica en materia de turismo e, en especial, a promoción e a ordenación do turismo dentro da comunidade e a conservación e



promoción dos Camiños de Santiago. No artigo 9 dos Estatutos da Axencia Turismo de Galicia, aprobados polo Decreto 196/2012, do 27 de setembro, establécense entre as súas funcións ou competencias a dirección das actuacións relacionadas coa posta en valor cultural e turístico do Camiño de Santiago, a súa promoción, a xestión da imaxe corporativa do Xacobeo e da rede de 2 albergues, e o mantemento e conservación dos camiños e a súa sinalización, así como calquera outra acción que redunde en beneficio do Camiño de Santiago.

**Segundo.-** Os Camiños de Santiago supoñen historicamente un constante fluxo de peregrinos e peregrinas que, no seu itinerario cara a Santiago de Compostela, veñen construíndo unha cultura común europea ao longo de máis de mil anos de historia en común.

A política desenvolvida pola Xunta de Galicia a principios dos anos noventa do pasado século revitalizou os Camiños de Santiago e fixo que nas últimas décadas estes Camiños experimentasen un extraordinario auxe, vivindo un novo tempo de peregrinación, de intercambio de ideas, de culturas e de nacionalidades, que converten aos Camiños de Santiago e a Galicia en elementos referenciais en Europa e en gran parte do mundo.

Non se pode esquecer, ademais da vertente cultural e relixiosa, o efecto económico e xerador de riqueza que supoñen os Camiños de Santiago, especialmente nos anos santos, afectando non só a cidade de Santiago de Compostela senón a todo o territorio galego.

Así, a celebración do Ano Santo Xacobeo no ano 2021 e 2022 constitúe para a Comunidade Autónoma de Galicia unha oportunidade de potenciación de Galicia, así como de promoción e de reforzo da dimensión internacional dos Camiños de Santiago e da propia Comunidade, e leva aparelado un amplo despregamento de actuacións en distintos ámbitos.



**Terceiro.-** O Real Clube Náutico de Vigo, fundado en 1906, cumpre en 2021 un século e tres lustros de actividade sociocultural e, especialmente, deportiva.

Son fins desta sociedade a practica e fomento de toda clase de deportes que permitan as súas instalacións, dedicando atención prioritaria aos deportes náuticos.

Esta sociedade achega unha longa lista de deportistas olímpicos. Remo, vela, natación e tenis son deportes nos que o clube vigués ha representado a España nos Xogos Olímpicos e Paralímpicos.

De tal xeito, tratase dun dos mais importantes clubs de mar de Galicia, que vai organizar neste ano 2021 o Campionato do Sur de Europa de Snipe, unha das clases internacionais de maior prestixio no mundo das regatas.

Levar a vela á cidadanía en xeral e ao socio en particular como unha práctica saudable e formativa entre os mozos, aproveitando as bondades naturais da Ría de Vigo como enclave turístico deportivo.

**Cuarto.-** No mes de agosto de 2021 terá lugar o South European Championship 2021 para a Clase Snipe – Open 80º Aniversario. Concretamente celebrarase en augas marítimas de Vigo, do 4 ao 8 de agosto de 2021, ambos inclusive.

A regata está organizada polo Real Clube Náutico de Vigo coa aprobación da Real Federación Española de Vela, en colaboración coa Federación Galega de Vela e a Asociación Española da Clase Internacional Snipe.

**Quinto.-** Con este proxecto a desenvolver entre a Xunta de Galicia e o Real Clube Náutico de Vigo contribuírase á promoción e divulgación ao longo de toda esta proba tanto do Xacobeo 21-22 como da cultura xacobeá, e porá en valor as rutas e a peregrinación ao Camiño de Santiago como recurso estrela da Comunidade Autónoma de Galicia.



Así mesmo, dadas as específicas características desta entidade, o Real Clube Náutico de Vigo, é a única capaz de desenvolver o obxecto deste convenio, razóns polas que non é posible subscribir un convenio con ningunha outra entidade.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela

O xerente de Turismo de Galicia

Emilio José de la iglesia Lema

